



CENTRALE BANK VAN ARUBA

ENTRADA DI TURISMO TA EMPUHA RESERVA DI DIVISA

Resumen di e Relato Mensual di april 2019

Comunicado di Prensa¹

Desaroyo monetario

Compara cu maart 2019, den e luna di april 2019, e cantidad di placa den circulacion a expande cu Afl. 55,8 miyon te na Afl. 4.461,9 miyon. Esaki a resulta for di subidanan den tanto e reserva di divisa netto (+Afl. 43,5 miyon) como e activo domestico netto (+Afl. 12,3 miyon).

E aumento den e reserva di divisa netto di e sector bancario ta debi na compra netto di divisa for di publico (+Afl. 228,8 miyon), primordialmente relaciona cu entrada for di exportacion di turismo. Esaki a wordo pa un gran parti mitiga pa benta netto di divisa na publico (-Afl. 185,3 miyon), relaciona mas tanto cu importacion di mercancia, transferencia netto pa cuentanan den exterior di companianan local y otro servicio.

E expansion den e activo domestico netto a wordo causa pa subidanan den transaccionnan no relata na credito (+Afl. 11,4 miyon) y credito domestico (+Afl. 0,9 miyon). E crecimiento den credito domestico a resulta for di un subida den credito bancario netto na e sector publico (+Afl. 8,0 miyon), caul a wordo casi completamente mitiga pa e caida den credito bancario na e sector priva (-Afl. 7,1 miyon). E expansion den credito bancario netto na e sector publico ta debi na un reduccion den depositonan di gobierno (-Afl. 8,1 miyon). Credito bancario na e sector priva a baha door di menos credito na empresa (-Afl. 8,9 miyon) y credito na consumidor (-Afl. 3,9 miyon) y mas hipoteca pa vivienda (+Afl. 5,2 miyon)

Inflacion

E nivel general di prijs, cu ta wordo midi door di e indice di prijs di consumo, a registra un subida di 4,7 por ciento den e luna di april 2019, compara cu april 2018. E contribuyentenan principal na e aumento aki tabata e componentenan "Cuminda y Bebida No-Alcoholico", "Transporte" y "Comunicacion". Ademá, si exclui e componentenan di cuminda y energia for di e indice di prijs di consumo, inflacion a muestra un aumento di 3,0 por ciento compara cu april 2018. Pa loke ta trata e promedio anual di e tasa di inflacion, esaki a registra 4,3 por ciento na april 2019, compara cu 4,1 por ciento na maart 2019.

Entrada di Gobierno

Na april 2019, entrada di gobierno a suma Afl. 87,9 miyon, cual ta Afl. 4,4 miyon mas compara cu e mesun luna di e aña anterior. Esaki a resulta for di expansion den entrada di impuesto (+Afl. 8,5 miyon), cual a wordo parcialmente mitiga door di un reduccion den entrada no relata na impuesto (-Afl. 4,2 miyon). E subida den entrada di impuesto a resulta principalmente door di mas entrada for di impuesto riba benta di negoshi (+Afl. 9,5 miyon; introduccion di B.A.V.P compara cu e mesun luna den 2018), impuesto riba entrada (+Afl. 3,2 miyon) y riba e asina yama "transfer tax" (+Afl. 2,3 miyon). E aumentonan aki a wordo mas tanto mitiga pa

¹ E comunicado di prensa original na Ingles ta prevalece.

caida den entrada for di impuesto riba salario (-Afl. 3,3 miyon), impuesto riba divisa (-Afl. 3,0 miyon) y impuesto riba ganashi (-Afl. 1,9 miyon).

Turismo

Tuma nota cu e cifranan di turismo no tabata disponibel na momento di publicacion di e relato aki.

Banco Central di Aruba

17 juni 2019

Pa mas informacion of un analysis mas detaya, bishita nos website (www.cbaruba.org) of tuma contacto cu e Departamento di Estadistica di Banco Central di Aruba, tel. +297 5252100, e-mail statistics.department@cbaruba.org.